

և Քաղաքապետն, այլ ընկալաւ զարժանաւոր պատասխանիս. և զինի աւուրց ինչ հազիւ ուրեմն ցածուցին զխրատութիւն Դատաւորին և շինեալ աւարտեցին զպահարանն և կանգնեցին զխաչկալս խորանաց, (1814. յ2 Յունվարի): Գնացին Փոխանորդն Հայոց և ոմանք 'ի Վարդապետաց 'ի վանս Յունաց. զինի բանից և շնորհաւորութեան նոր տարւոյ, խօսեցան վասն խռովութեան գիւղականաց Բեթղէհէմի և Քաղաքապետի, զի զտուգանս նոցին պահանջէր յերկից վանաց: Գնալ Հայոց 'ի Բեթղէհէմ հանդիսիւ յաւուր տօնի Ծննդեան, զի Յոյնք ոչ գնացին. բառնալ ըզնոր վարադոյրն 'ի սեղանոյ Ծննդեան, զոր եդեալ էին Յոյնք, և չսահմանել անդ նորանոր իրս, և 'ի ժամ պատարադին զոր ինչ կամիցեն դիցեն՝ և ապա բարձցեն զամենայն: Բառնալ 'ի խորանէ անտի զթեւ վանդակն, և զանսկետ աստիճան պատկերին. Յոյնք խոստացան բառնալ, թէպէտ մինչեւ ցայժմ կայ մնայ վանդակն, և 'ի ժամանակս մեր յաւելին փականս 'ի վերայ նորա. եդին պայման չվիճել միաբանաց 'ի Բեթղէհէմ, այլ զամենայն ինչ ազդ առնել յերուսաղէմ: Ի տօնի Ծննդեան Հայոց ըստ առաջին սովորութեան Հայոց մուտ և ել առնել յերկուց դրանց Այրին 'ի Թափօրին և 'ի վերաբերման, Յոյնք ոչ հաճեցան, զի յառաջագոյն 'ի տարւոյ երկիցս միայն երթային Հայք անդ, իսկ այժմ մշտնջենաւորեցին, և երկուցեալ թէ 'ի պատճառս ուխտաւորաց և 'ի պատիւ Պատրիարքին՝ մի լիցի սովորութիւն, ուստի միանգամ 'ի տարւոյ առնել խոստացան, (յետոյ զայն եւս խափանեցին): Աւել ածել առաջի դրան Հայոց՝ ոչ կամեցան Յոյնք, Կարգաւորեցին զժամանակ պատարագելոյ, պատարագել Յունաց զինի « Փա'ռք 'ի բարձունս » Հայոց, նոյնպէս և Լատինոց: Զի թէպէտ թէոզորոս Պատրիարք ոչ գնաց 'ի Բեթղէհէմ 'ի տօնի Ծննդեան վասն խռովութեան գիւղականաց և Քաղաքապետին՝ որպէս գրեցաք, այլ առաքեաց զպաշտօնեայս ընդ ուխտաւորաց: Եւ 'ի նմին գիշերի կախեցին Հայք լապտերս 'ի պատուհանէ առաջի դրան 'ի լուսաւորել զտեղին, Յոյնք ընդդիմացեալ բարձին զայն երկցս և 'ի չորրորդին խորտակեցին, և դատաստան առ Դատաւորին, հակառակիլ Յունաց բանից և յորդորանաց նորին: